

none Saluberrimum. & Can. Daibertum I. quæst. 7. itémque variis exemplis & argumentis docetur Can. Ioannis Chrysoftom. distinct. 50. Itaque Luciferiani Athanasium, & Alexandrinam Synodum damnarunt, quæ episcopos pœnitētes, in priorem gradum reponeret. Atque hi nimirum fuerunt *aduersarij*, & ambitionis Luciferianæ pestilentissimi fructus, dum Paulinum episcopum à se creatum defendere quo iure, quæve iniuria contendit, nec Eusebii modestum iudicium ferre potest.

## CAP. LXXXII.

Iouinianistæ cur sic dicti, quando primùm nati. Erroris autem eorum capita quatuor recensentur.

**I**ouinianistas quoque apud istum reperi, quos iam noueram. A Iouiniano quodam monacho ista hæresis orta est atate nostra, quum adhuc iuuenes essemus. Hic omnia peccata, sicut Stoici philosophi, paria esse dicebat, nec posse peccare hominem lauacro regenerationis accepto, nec aliquid prodesse ieiunia, vel à cibis aliquibus abstinentiam. Virginitatem Mariæ destruebat, dicens eam pariendo fuisse corruptam. Virginitatem etiã sanctimonialium, & continentiam sexus virilis in sanctis eligentibus cœlibem vitam coniugiorum castorum atque fidelium meritis adequabat, ita ut quedam virgines prouectæ iam ætatis in vrbe Romana, ubi hæc docebat, eo audito, nupsisse dicantur. Non sanè ipse vel habebat, vel habere volebat uxorem, quòd non propter aliquod apud Deum maius meritum, in regno vitæ perpetuæ profuturum: sed propter presentem prodesse necessitatem, ne homo coniugales patiatur

dd. ii.